

SARS E NTSE E TSWELA PELE HO SEBETSA

PRETORIA, Labohlano 29 Tihakubele 2019 - Ditshebetso tsa Bolaodi ba Meedi ba SARS mane makenong a naha, haholoholo madibohong, ha a so be le ditshitso tse kgolo.

Madiboho ohle a Bolaodi ba Meedi a ntse a sebetsa hantle ho latela mehato ya tlatsetso e nkilweng. Bolaodi ba Meedi bo fumane tshehetso e matla ho tswa diakgenteng tsa phethahatso ya molao ho phatlalla le madiboho, haholoholo ho tswa ho Ditshebeletso tsa Sepolesa sa Afrika Borwa, mme sena se bakile hore ho se be le ditshitso tse kaalo. SARS e hlahlobile ditlaleho tsa bophatlalatsi ba ditaba, tse neng di hlokomedisa ka palo e itseng ya diteraka tse ntseng di subuhlellana madibohong, sena e ka ba ka lebaka la sephethephethe sa tlwaelo mme e seng boipelaetso ka ha diteraka di tlameha ho emela tlhekelo pele di ka feta.

SARS e hlokomedisitse dinaha tsa boahisane, Southern African Development Community (SADC) le Southern African Customs Union (SACU) ka boipelaetso bona matsatsing a mmalwa a sa tswa feta, ka sepheo sa hore ba se makale. Dinaha tsena di so thefulwe hampe ke sena.

Ho bile le diketsahalo tse mmalwa tsa ho tshosa basebetsi le ho leka ho sitisa phallo ya sephethephethe madibohong empa sena se ile sa thibelwa kapele ke SAPS. Ho tshwerwe ofisiri e le nngwe ya SARS ledibohong la Lebombo mme ho feta moo ha re tsebe ka diketsahalo kapa ditiehisano tse ding.

Ha ho tluwa makaleng a SARS, SARS e ntse e tswela pele ho beha leihlo tse etsahalang dibakeng kaofela mme tsa moraorao tjena di ka fumana websaeteng ya rona le ho twitter e leng @sarstax. Dintlha tse mabapi le ditshebeletso tsa makala, mmoho le seo o ka se etsang ebang o sa fihlelle makala le ditshebeletso tsa SARS, di fumaneha dikanaleng tsena.

Ho tswa makaleng a 53 ho phatlalla le naha, ke a 33 a kwetsweng ka lebaka la ho se tle mosebetsing ha bongata ba basebetsi. Setjhaba sa Afrika Borwa se kgothaletswa ho sebedisa mefuta e meng ya tefo:

Bakeng sa ditefo tsa Lekgetho:

- Lekaleng la SARS;
- EFT; kapa
- Ka [eFiling](#).

Ho fumana lesedi le leng le mabapi le boikgethelo ba tefo ya Lekgetho, etela leqephe la '[How do I Pay](#)'.

Bakeng sa ditefo tsa Bolaodi ba Meedi:

- [eFiling](#); kapa
- EFT.

Ho fumana lesedi le leng le mabapi le boikgethelo ba tefo ya Bolaodi ba Meedi, etela leqephe la Ditefo tsa Bolaodi ba Meedi ho www.sars.gov.za.

Ho tse mabapi le dipotso dife kapa dife tsa dikoloto tse salletseng morao, dikopo di ka romelwa diatereseng tse latelang tsa imeile:

• Debt1@sars.gov.za bakeng sa lekala la Alberton (ho akareditswe Nigel, Germiston, Brakpan, Boksburg, Benoni, Vereeniging le Springs)

- Debt2@sars.gov.za bakeng sa Pretoria, Limpopo le Provense ya North West
- Debt3@sars.gov.za bakeng sa Diprovense tsa Kwazulu Natal le Eastern Cape

- Debt4@sars.gov.za bakeng sa Diprovence tsa Western Cape, Northern Cape le Freestate
- Debt5@sars.gov.za bakeng sa Megawatt Park (ho akareditswe Johannesburg, Roodepoort, Randfontein le Krugersdorp)

Le ha SARS e ananela tokelo ya Molao wa Motheo ya basebetsi ho ipelaetsa, ka mokgwa o tshwanang ke boitlamo ba mmuso ho netefatsa hore ho na le mehlodi e lekaneng ho re baahi ba fihlelle ditshebeletso tsa bophelo bo botle, dijo le metsi a lekaneng, tshehetso ya thekolohelo, phumantsho ya matlo le thuto ya motheo.

SARS e entse tsohle tse matleng a yona le tse kgonehang ho rarolla kganyetsano ena.

SARS e fumane taelo ya nakwana ya Lekgotla la Basebetsi le thibelang ditho tsa Mekgatlo ya Basebetsi ho ipelaetsa dibakeng tse ding ntle le tseo tse boletsweng Melaong ya ho Phiketa ya CCMA e ntshitsweng ka la 18 Tlhakubele 2018. Sena se latela ho phiketa ho seng molaong le ho bokana ho bileng teng ka ntle ho dibaka tseo ho dumellanweng ka tsona, e leng Ntlokolo ya SARS mane Brooklyn, le Dikhampaseng tsa Pretorius le Alberton.

SARS le Mekgatlo ya Basebetsi ba kopana kajeno, Labohlano, 29 Tlhakubele 2019 mane CCMA ho boela ba buisana semmuso ka sepheo sa ho lokisa Melao ya ho Phiketa.